

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-1117/08
Sarajevo, 24.10.2008. godine

Z A P I S N I K
**8. VANREDNE SJEDNICE DOMA NARODA PARLAMENTA FEDERACIJE
BOSNE I HERCEGOVINE, održane 24. oktobra 2008. godine**

Sjednica je počela u 10.25.

Sjednici je predsjedavao Stjepan Krešić, predsjedavajući Doma naroda Parlamenta Federacije Bosne i Hercegovine.

Na početku sjednice predsjedavajući je pozdravio delegate, premijera Federacije Nedžada Brankovića, ministre u Vladi Federacije Bosne i Hercegovine, goste, predstavnike Međunarodne zajednice i međunarodnih organizacija, kao i predstavnike akreditiranih medijskih kuća koji prate rad sjednice.

Na osnovu evidencije Stručne službe, predsjedavajući je konstatovao da sjednici prisustvuju 43 delegata, što čini većinu, te Dom naroda može raditi i punovažno odlučivati.

Izostanak sa sjednice opravdali su: Jasenko Tufekčić, Elvira Abdić-Jelenović, Zijad Tvica i Vanja Broćeta.

Predsjedavajući je obavijestio delegate da je Vlada Federacije dostavila Prijedlog Zakona o sukobu interesa u organima vlasti u Federaciji Bosne i Hercegovine sa ugrađenim amandmanima Predstavničkog doma, sa prijedlogom da se razmatra po hitnom postupku.

Sa 43 glasa za, uz dva glasa protiv i uz jedan uzdržani glas, Dom naroda Parlamenta Federacije Bosne i Hercegovine prihvatio je da se Prijedlog Zakona o sukobu interesa u organima vlasti u Federaciji Bosne i Hercegovine razmatra po hitnom postupku.

Predsjedavajući je također obavijestio delegate da je Vlada Federacije dostavila dopis Parlamentu Federacije kojim moli, zato što 28.10.2008. ističe rok za potpisivanje Sporazuma između Federacije Bosne i Hercegovine i Međunarodne banke za obnovu i razvoj, da se u dnevni red ove sjednice uvrste sljedeći materijali:

- a) Odluka o davanju saglasnosti za prihvatanje granta Međunarodne banke za obnovu i razvoj za Projekat za šumske i planinske zaštićene oblasti,
- b) Usaglašeni Zapisnik sa pregovora između Bosne i Hercegovine i Međunarodne banke za obnovu i razvoj u funkciji Agencije za implementaciju sredstava za globalni okoliš (IBRD) za Projekt za šumske i planinske zaštićene oblasti,
- c) Informacija o grantu Međunarodne banke za obnovu i razvoj za finansiranje Projekta za šumske i planinske zaštićene oblasti i

- a) Odluka o davanju saglasnosti za prihvatanje kredita Evropske banke za obnovu i razvoj za Projekt Koridor Vc,
- b) Odluka o davanju saglasnosti za zaključivanje Supsidijarnog ugovora o zajmu između Bosne i Hercegovine i Federacije Bosne i Hercegovine za kredit Evropske banke za obnovu i razvoj za Projekat Koridor Vc,
- c) Ugovor o zajmu (Projekt Koridor Vc) između Bosne i Hercegovine i Evropske banke za obnovu i razvoj,
- d) Ugovor o podršci zajma (Projekt Koridor Vc) između Federacije Bosne i Hercegovine i Evropske banke za obnovu i razvoj,
- e) Projektni ugovor (Projekt Koridor Vc) između Federacije Bosne i Hercegovine i Evropske banke za obnovu i razvoj,
- f) Supsidijarni ugovor o zajmu (Projekt Koridor Vc) između Bosne i Hercegovine i Federacije Bosne i Hercegovine,
- g) Zapisnik sa pregovora,
- h) Informacija o zajmu Evropske banke za obnovu i razvoj za Projekt Koridor Vc.

Sa 44 glasa za i uz jedan glas protiv, Dom naroda Parlamenta Federacije Bosne i Hercegovine prihvatio je da se u dnevni red uvrste navedeni materijali.

Miro Lazović obavijestio je delegate da je zajedno sa Ivom Komšićem predložio Rezoluciju o političkim ciljevima sa prijedlogom da se uvrsti u dnevni red naredne sjednice, što je i Kolegij Doma naroda podržao.

Mira Ljubljankić uputila je molbu premijeru Federacije da osigura sredstva za lijek koji je potreban za 40 žena koje su oboljele od raka dojke i završile hemoterapiju, na što je premijer odgovorio da će, u saradnji sa resornim ministrom i Federalnim fondom zdravstvenog osiguranja nastojati osigurati ova sredstva.

Potom je predsjedavajući dao dnevni red na glasanje.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 44 glasa za i uz jedan uzdržani glas, usvojio sljedeći:

DNEVNI RED

1. Prijedlog Zakona o sukobu interesa u organima vlasti u Federaciji Bosne i Hercegovine - hitni postupak;
2. a) Odluka o davanju saglasnosti za prihvatanje granta Međunarodne banke za obnovu i razvoj za Projekat za šumske i planinske zaštićene oblasti,
b) Usaglašeni Zapisnik sa pregovora između Bosne i Hercegovine i Međunarodne banke za obnovu i razvoj u funkciji Agencije za implementaciju sredstava za globalni okoliš (IBRD) za Projekt za šumske i planinske zaštićene oblasti,
c) Informacija o grantu Međunarodne banke za obnovu i razvoj za finansiranje Projekta za šumske i planinske zaštićene oblasti;
3. a) Odluka o davanju saglasnosti za prihvatanje kredita Evropske banke za obnovu i razvoj za Projekt Koridor Vc,
b) Odluka o davanju saglasnosti za zaključivanje Supsidijarnog ugovora o zajmu između Bosne i Hercegovine i Federacije Bosne i Hercegovine za kredit Evropske banke za obnovu i razvoj za Projekt Koridor Vc;
c) Ugovor o zajmu (Projekt Koridor Vc) između Bosne i Hercegovine i Evropske banke za obnovu i razvoj,
d) Ugovor o podršci zajma (Projekt Koridor Vc) između Federacije Bosne i Hercegovine i Evropske banke za obnovu i razvoj,
e) Projektni ugovor (Projekt Koridor Vc) između Federacije Bosne i Hercegovine i Evropske banke za obnovu i razvoj,
f) Supsidijarni ugovor o zajmu (Projekt Koridor Vc) između Bosne i Hercegovine i Federacije Bosne i Hercegovine,
g) Zapisnik sa pregovora,
h) Informacija o zajmu Evropske banke za obnovu i razvoj za Projekt Koridor Vc.

1. Prijedlog Zakona o sukobu interesa u organima vlasti u Federaciji Bosne i Hercegovine

Prijedlog Zakona utvrdila je Vlada Federacije Bosne i Hercegovine.

Predstavnički dom Parlamenta Federacije Bosne i Hercegovine je na 16. sjednici od 14.10.2008. godine usvojio Prijedlog Zakona sa 10 amandmana koje je Vlada Federacije prihvatila, pa su postali sastavni dio Prijedloga Zakona.

Vlada Federacije je Domu naroda dostavila Prijedlog Zakona sa ugrađenim amandmanima.

Na Prijedlog Zakona Svetozar Pudarić podnio je amandman koji se odnosi na stav 1. člana 1., Asim Kamber dva amandmana koji se odnose na čl. 12. i 14., Klub delegata bošnjačkog naroda dva amandmana koji se odnose na naziv Glave III, čl. 14. i 15. i Besim Imamović amandman koji se odnosi na član 12.

Prijedlog Zakona obrazložio je Feliks Vidović, federalni ministar pravde, koji je dao pravno-tehničku primjedbu na član 3., tačka f), peti red, gdje treba brisati riječ "direktora".

Izjavio je da ne prihvata podnesene amandmane, te zamolio predlagače amandmana da odustanu od njih, a da će se amandmani koristiti u eventualnim izmjenama i dopunama ovog Zakona.

Premijer Nedžad Branković je također predložio da podnosioci amandmana odustanu od njih i da usvoje tekst Zakona kako ga je usvojio Predstavnički dom.

U pretresu su učestvovali: Svetozar Pudarić, Josip Perić, predsjednik Kluba delegata hrvatskog naroda, Asim Kamber, Besim Imamović, Saša Magazinović, premijer Nedžad Branković, Ljubo Zovko, Drago Puzigaća, Alija Begović, predsjednik Kluba delegata bošnjačkog naroda i Asim Mekić.

Budući da Vlada Federacije nije prihvatila podnesene amandmane, predsjedavajući je pozvao podnosiocima da se izjasne da li odustaju od amandmana i konstatovao sljedeće:

- Svetozar Pudarić nije odustao od svog amandmana i, na osnovu rezultata glasanja, predsjedavajući je konstatovao da amandman nije dobio potrebnu većinu glasova jer je za njega glasalo 17 delegata;
- Asim Kamber je izjavio da odustaje od amandmana II, dok amandman I nije dobio potrebnu većinu glasova delegata, jer su za njega glasala 22 delegata;
- Besim Imamović je odustao od svoga amandmana.

Alija Begović, predsjednik Kluba delegata bošnjačkog naroda, izjavio da će Klub odustati od svojih amandmana ako Dom naroda usvoji Zaključak koji je pročitao, nakon čega ga je predsjedavajući dao na glasanje.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine jednoglasno usvojio sljedeći:

ZAKLJUČAK

Zadužuje se Zakonodavno-pravna komisija Doma naroda Parlamenta Federacije Bosne i Hercegovine da zajedno sa Vladom Federacije Bosne i Hercegovine, odnosno Federalnim ministarstvom pravde u roku od 60 dana dostavi Parlamentu Federacije Bosne i Hercegovine izmjene i dopune Zakona o sukobu interesa u organima vlasti u Federaciji Bosne i Hercegovine u smislu amandmana i prijedloga iznijetih u raspravi na sjednici Doma naroda.

Potom se prešlo na glasanje o Prijedlogu Zakona.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 39 glasova za, uz jedan glas protiv i uz četiri uzdržana glasa, usvojio Prijedlog Zakona o sukobu interesa u organima vlasti u Federaciji Bosne i Hercegovine.

2. **a) Odluka o davanju saglasnosti za prihvatanje granta Međunarodne banke za obnovu i razvoj za Projekt za šumske i planinske zaštićene oblasti**
 - b) **Usaglašeni Zapisnik sa pregovora između Bosne i Hercegovine i Međunarodne banke za obnovu i razvoj u funkciji Agencije za implementaciju sredstava za globalni okoliš (IBRD) za Projekt za šumske i planinske zaštićene oblasti**
 - c) **Informacija o grantu Međunarodne banke za obnovu i razvoj za finansiranje Projekta za šumske i planinske zaštićene oblasti**

Odluku je donijela Vlada Federacije i dostavila je Parlamentu Federacije Bosne i Hercegovine radi razmatranja i odobrenja.

Odluku je obrazložio premijer Federacije Nedžad Branković.
U raspravi nije niko učestvovao.

- a) **Odluka o davanju saglasnosti za prihvatanje granta Međunarodne banke za obnovu i razvoj za Projekt za šumske i planinske zaštićene oblasti**

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 41 glasom za, uz jedan glas protiv i uz jedan uzdržani glas, donio Odluku kojom je **odobrio** Odluku o davanju saglasnosti za prihvatanje granta Međunarodne banke za obnovu i razvoj za Projekat za šumske i planinske zaštićene oblasti.

b) Usaglašeni Zapisnik sa pregovora između Bosne i Hercegovine i Međunarodne banke za obnovu i razvoj u funkciji Agencije za implementaciju sredstava za globalni okoliš (IBRD) za Projekt za šumske i planinske zaštićene oblasti

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine jednoglasno (44 glasa) **primio na znanje** Usaglašeni Zapisnik sa pregovora između Bosne i Hercegovine i Međunarodne banke za obnovu i razvoj u funkciji Agencije za implementaciju sredstava za globalni okoliš (IBRD) za Projekt za šumske i planinske zaštićene oblasti.

c) Informacija o grantu Međunarodne banke za obnovu i razvoj za finansiranje Projekta za šumske i planinske zaštićene oblasti

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine jednoglasno (44 glasa) **primio na znanje** Informaciju o grantu Međunarodne banke za obnovu i razvoj za finansiranje Projekta za šumske i planinske zaštićene oblasti.

3.
 - a) Odluka o davanju saglasnosti za prihvatanje kredita Evropske banke za obnovu i razvoj za Projekt Koridor Vc
 - b) Odluka o davanju saglasnosti za zaključivanje Supsidijarnog ugovora o zajmu između Bosne i Hercegovine i Federacije Bosne i Hercegovine za kredit Evropske banke za obnovu i razvoj za Projekt Koridor Vc
 - c) Ugovor o zajmu (Projekt Koridor Vc) između Bosne i Hercegovine i Evropske banke za obnovu i razvoj
 - d) Ugovor o podršci zajma (Projekt Koridor Vc) između Federacije Bosne i Hercegovine i Evropske banke za obnovu i razvoj
 - e) Projektni ugovor (Projekt Koridor Vc) između Federacije Bosne i Hercegovine i Evropske banke za obnovu i razvoj
 - f) Supsidijarni ugovor o zajmu (Projekt Koridor Vc) između Bosne i Hercegovine i Federacije Bosne i Hercegovine
 - g) Zapisnik sa pregovora
 - h) Informacija o zajmu Evropske banke za obnovu i razvoj za Projekt Koridor Vc

Odluke je donijela Vlada Federacije i dostavila ih Parlamentu Federacije Bosne i Hercegovine radi razmatranja i odobrenja.

Predsjedavajući je predložio da se odlukama vodi zajednička rasprava, a izjašnjavanje obavi pojedinačno, što su delegati prihvatili.

U raspravi nije niko učestvovao.

a) Odluka o davanju saglasnosti za prihvatanje kredita Evropske banke za obnovu i razvoj za Projekt Koridor Vc

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine jednoglasno (41 glas) donio Odluku kojom je **odobrio** Odluku o davanju saglasnosti za prihvatanje kredita Evropske banke za obnovu i razvoj za Projekt Koridor Vc.

b) Odluka o davanju saglasnosti za zaključivanje Supsidijarnog ugovora o zajmu između Bosne i Hercegovine i Federacije Bosne i Hercegovine za kredit Evropske banke za obnovu i razvoj za Projekt Koridor Vc

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine jednoglasno (41 glas) donio Odluku kojom je **odobrio** Odluku o davanju saglasnosti za zaključivanje Supsidijarnog ugovora o zajmu između Bosne i Hercegovine i Federacije Bosne i Hercegovine za kredit Evropske banke za obnovu i razvoj za Projekt Koridor Vc.

- c) Ugovor o zajmu (Projekt Koridor Vc) između Bosne i Hercegovine i Evropske banke za obnovu i razvoj**
- d) Ugovor o podršci zajma (Projekt Koridor Vc) između Federacije Bosne i Hercegovine i Evropske banke za obnovu i razvoj**
- e) Projektni ugovor (Projekt Koridor Vc) između Federacije Bosne i Hercegovine i Evropske banke za obnovu i razvoj**
- f) Supsidijarni ugovor o zajmu (Projekt Koridor Vc) između Bosne i Hercegovine i Federacije Bosne i Hercegovine**
- g) Zapisnik sa pregovora**
- h) Informacija o zajmu Evropske banke za obnovu i razvoj za Projekt Koridor Vc**

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine jednoglasno (41 glas) **primio na znanje** navedene akte.

* * *

Sjednica je završena u 11.58.

Transkript sa sjednice čini sastavni dio Zapisnika.

SEKRETAR

Izmir Hadžić

PREDSJEDAVAJUĆI

Stjepan Krešić